



QUAESTIONUM

CRITICARUM ET EXEGETICARUM

IN

SOPHOCLEIS OEDIPUM COLONEUM

SPECIMEN.

SCRIPSIT

CHRISTIANUS FRIEDERICUS SEHRWALD

PHILOSOPHIAE DOCTOR.

ALTENBURGI

EX TYPOGRAPHICO AULICO

MDCCCLXIV.

1164



Quum collega noster honoratissimus et doctissimus Joh. Gottl. Zetzsche, professor illustris gymnasii Altenburgensis, hoc tempore valetudine ita esset praepeditus, ut eam, quam inchoaverat, commentationem ad finem non posset perducere, eo lubentius equidem, quamvis admodum paucae hebdomades anni scholastici reliquae essent, hoc solemne scribendi munus suscepi, quod hac occasione oblata mihi observationibus illis criticis in Sophoclis Antigonam et Oedipum Regem superiore anno editis novas aliquas jam in ejusdem poetae Oedipum Coloneum licebat addere.

Videtur autem hodie, postquam tot doctissimi viri saepe frustra operam in fabulis Sophocleis emendandis consumserunt<sup>1)</sup>, sane, ut Horatii verbis utar, *opus esse plenum aleae* novas conjecturas in illas tragoedias in medium proferre. At quis nescit, praesertim ex quo codice Laur. A accuratius collato poetae verbis quasi novum fundamentum quoddam substratum est, carmina illa iudicio doctorum omnium aetatum hominum probatissima adhuc innumeris maculis librariorum culpa inquinata esse<sup>2)</sup>? Quo quis igitur acriore Sophoclis amore flagrat, eo justiore et apud se et apud alios excusationem habebit, si alieno infortunio non deterritus<sup>3)</sup>, quantum ipsi licet, in pristina huius praeclarissimi poetae verba summo studio inquirere pergit. Atque quum nemo horum studiorum exsistat amicus, quin, et si unum tantum Sophoclis locum adhuc depravatum in pristinam integritatem videat restitutum, toto pectore gaudeat atque laetetur<sup>4)</sup>, fortasse mihi quoque sperare licet operam a me in Sophocle positam aequis iudicibus haud prorsus ingratam fore.

V. 9 ἄλλ', ὃ τέκνον, θάκοισιν εἴ τινα βλέπεις  
ἢ πρὸς βεβήλοισι ἢ πρὸς ἄλσεσιν θεῶν,  
στῆσόν με καξίδρυσον.

Multum negotii hi versus interpretibus ob dativum θάκοισιν facessiverunt. Nam jam pridem et jure quidem explosa est sententia eorum, qui ut Brunckius hunc locum verterant: *si quem hominem vides vel profana in exedra sedentem*. Neque enim de homine est sermo, sed de sede, in qua Oedipo itinere fesso requiescere liceat. Fuerunt autem alii, qui ut Elmslejus θάκοισιν ἢ πρὸς βεβήλοισι, εἴ τινα θάκον βλέπεις construerent vel cum Reisigio θάκοισιν ὡς πυθοίμεθα jungerent. Rectissime vero G. Hermannus hanc utramque construendi rationem improbavit. Nihil igitur restitit nisi statuere θάκοισιν ex alio verbo corruptum esse. Huius opinionis fere omnes recentiores editores fuerunt mira concordia Seidleri conjecturae θάκησιν assensi. Quamquam negari non potest nomine θάκησιν sententiam plane accommodatam effici, tamen omnino non constat, num umquam Graecis istud substantivum θάκησις in usu fuerit. Nam illud ἐνθάκησις, quod Phil. v. 19

<sup>1)</sup> Rectissime de hac re Spengelius Philol. vol. XIX, p. 437: Wer die Geschichte des Sophokleischen Textes in diesem Jahrhundert kennt und grossentheils mit erlebt hat, weiss auch den Unterschied von einst und jetzt; gearbeitet wurde viel, gewonnen wenig.

<sup>2)</sup> Idem Spengelius l. l.: es hat sich inzwischen festgestellt, dass der Text weit weniger rein erhalten sei, als man vordem glaubte.

<sup>3)</sup> Sane detertere possunt, quae Spengelius l. l. de Nauckii conjecturis palam profitetur: Von den mehr als hundert Vorschlägen Nauck's kann ich nur eine Aenderung für richtig halten (wohl nicht deswegen, weil ich sie längst selbst gemacht hatte), nämlich O. C. 654 μ' ὄρᾱν für με δρᾶν.

<sup>4)</sup> Sic Spengelius l. l. p. 438 de conjectura illa a Maehlyo in O. C. v. 321 proposita gavisus est his additis verbis: ein einziger solcher Fund, er komme, von wem er wolle, erfreut und entschädigt für hundert Missgeburten.



legitur, e composito verbo ἐνθακεῖν est formatum. Exstitisse autem re vera θάκησις non ex analogia quadam, sed solo exemplorum testimonio probari necesse est. Sed ad hunc diem θάκησις nullo veterum Graecorum monumento exhibetur. Nam in illum versum ex Aleadarum fragmento, quod apud Stobaeum Flor. XCI, 27 legitur, nunc demum Meinekii conjectura minime probata substantivum θάκησις intrusit. Quae quum ita sint, θάκοισιν in θάκησιν mutare mihi periculosissimum esse videtur, illud vero multo probabilius Sophoclem θάκον σὺ γ' scripsisse, quae verba et ipsa cum θάκοισιν facillime poterant commutari. Saepe autem factum est, ut pronomen σὺ nomini compellatae personae postponeretur, velut in h. f. vv. 507, 712. Oedipus hoc pronomine adjecta particula γε (σὺ γε autem saepissime legitur apud Sophoclem) se omnia unius filiae carissimae ac providentissimae arbitrio permittere haud obscure significavit. Rhythmus autem huius versus idem est, qui h. f. v. 353. — Sequenti versu male mihi omnes interpretes βεβήλοις pro substantivo accepisse videntur. Βέβηλα, inquit Dindorfius, *genere neutro dicit pro βεβήλοις τόποις, ut v. 167 ἄβατα dixit ἀβάτους τόπους*. Si hoc quoque loco nominativus vel accusativus reperiretur, de substantivo usu huius verbi dubitari non posset, sed quum substantivum ἄλσεσιν sequatur et βεβήλοις dativus sit, prorsus improbabile est βεβήλοις hic substantivi locum obtinere. Accedit quod Oedipus, utpote via et sole fatigatus, ante omnia sedem in umbroso nemore sive profano sive sacro desiderat. Quare equidem construo: ἢ πρὸς βεβήλοις ἄλσεσιν ἢ πρὸς ἄλσεσιν θεῶν. Apparet autem insolentiore verborum collocatione interpretes in errorem inductos esse. Βέβηλον ἄλσος autem etiam apud Aeschylum Suppl. v. 493 legitur: καὶ πῶς βέβηλον ἄλσος ἂν ῥύοιτό με; Ille vero locus, quem scholiastae ac grammatici respiciunt ubique revera βέβηλα substantivum est, legitur in Aleadarum fragmento, quod supra commemoravimus, v. 7: δεινὸς γὰρ ἔρπειν πλοῦτος ἔς τε τᾶβατα καὶ πρὸς βέβηλα.

V. 22 χρόνον μὲν οὐνεκ' οὐ μαθεῖν με δεῖ τόδε.

Haec verba, quomodo hodie leguntur, sane offensionem habent. Nam quid hoc est, quod Antigona dicit? Brunckius vertit: *satis longo ex tempore adsuevi hoc facere, ut me moneri opus non sit*. At apud Sophoclem nulla aut consuescendi aut monendi notio reperitur. Et filia, cuius auxilium in considendo a patre caeco et sene rogatur, num sine arrogantiae crimine talia poterat respondere? Verba autem, quae nunc leguntur, nihil nisi hoc significant: *propter tempus hoc discere me non oportet*. Nimirum, quod jam optime scit. At nonne et hoc arrogantiae est? Num ad discendum solum tempus requiritur? Hellerus statuit *acerbitatis aliquid huic sententiae inesse videri adversus fortunam, non adversus patrem*. Inesset, credo, si Antigona dixisset: *quam saepe tibi considenti opem tuli*. Similiter atque Hellerus Schneidewinus putavit Antigonam hic, dum patrem colloceat, ob acerbam patris ipsiusque fortunam ingemiscere. — Missos faciamus interpretes ipsique quaeramus, quid Sophocles hoc loco dicere et potuerit et voluerit. Antigona versum, de quo agimus, tum demum pronuntiat, quum jam patrem fatigatum in eo, quem ipse providerat, lapide collocavisset. Non facile filiae fuisse putaverim senem imbecillum ac fessum ita sustentare, ut ille considens doloribus omnino careret. Omnis vero dolor, quem Antigona a patre prohibere non potest, ita in animum ejus penetrare videtur, ut sibi irascatur, quod, quamquam ex tam longo tempore patrem curet, tamen in curatione ejus sibi non omnia tam bene cedant, ut ipsa cupiat. Itaque ne tum quidem, quum patrem in lapide illo collocavisset, sibi satisfecisse videtur. In hanc sententiam versus, in quem inquirimus, sine dubio quadrabit, si facillima mutatione admissa χρόνον μὲν οὐνεκ' εὖ μαθεῖν μ' ἔδει τόδε scripserimus; εὖ μαθεῖν autem saepius recurrit velut Oed. Reg. v. 308.

V. 45 ὥστ' οὐχ ἔδρας γῆς τῆςδ' ἂν ἐξελεῖν ἐτι.

Primus, qui in substantivo γῆς offenderet, Musgravius fuit, qui ad hunc locum adnotavit haec: γῆς quid hic faciat, non video legerimque potius γε. Alii γῆς quidem et ipsi corruptum esse existimaverunt, sed pro γε Musgravii ἐκ proposuerunt. Hac aetate A. Nauckius non γῆς, sed ἔδρας depravatum esse suspicatus est, quum Oedipus sedem quidem suam, et quidem brevissimo tempore interjecto, neque vero fines Atticos relinquat. Quare conjecit vir ille doctissimus Sophoclem ὥς οὐχ ἐκὼν γῆς scripsisse. Dindorfius, ut jam Erfurdus et Hermannus, γῆς τῆςδε defendit allato versu Eur. Helen. 797, qui vix cum hoc Sophocleo comparari poterit. Postremo Meinekius rectissime Musgravii iudicium his verbis sustentavit: *Musgravius fortasse recte γε scripsit pro γῆς*. Hoc quidem et ipse existimaverim, sed non solum γε vel ἐκ Sophocles mihi scripsisse videtur, sed utrumque γ' ἐκ, primum quod verba γ' ἐκ propius accedunt ad literas nominis γῆς, deinde quod Sophocles v. 36 h. f. etiam viatorem illum Atticum ἐκ τῆςδ' ἔδρας ἐξελεῖν dicentem fecit. — Praeterea multum disceptatum est de ὥστε, quod ab Hermanno defensum, ab Elmslejo in ὥς mutatum est. Quamquam recentiores editores omnes ut Nauckius, Dindorfius, Meinekius cum Elmslejo faciunt, tamen neque hos neque olim Hermannum, quid hoc loco Sophocles scripserit, recte perspexisse arbitror. Nam, id quod minime dubitari potest, vix alium locum invenire licebit, cui pronomen ὥστε accommodatior sit, quam huic. Hoc igitur scribendum esse censeo. Significat vero ὥστε quippe qui, ut qui, qui quidem, quae notiones egregie ab Ellendt. lex. Soph. s. h. v. expositae sunt. Nullae vero justae exstant causae, ob quas a Sophocle in trimetris hoc pronomen abjudicemus, quum certe aliquot locis iambicis exhibeatur codicibus manu scriptis.

V. 149 ἔ' ἔ' ἀλαῶν ὁμμάτων  
ἄρα καὶ ἥσθα φντάλμιος δνγαίων  
μαργαίων τέ θ' ὥς ἐπειχάσαι.

Hi versus ita, ut supra scripti sunt, cod. Laur. A exhibentur. Nemo vero usque ad hunc diem eos recte construxisse videtur. Observavit Hermannus in antiquioribus editionibus nullam omnino inveniri horum versuum interpunctionem. Idem refert in editionibus Triclinianis ante δνγαίων interpunctionem esse. Post hanc Triclinii interpunctionem dubitationes virorum doctorum de horum versuum construendorum ratione non sublatae sunt. Vix operae pretium est omnes enumerare modos, quibus interpretes haec verba vel junxerunt vel separaverunt. Secundum Hermannum sensus huius loci hic est: *natusne es caecus? jam diu certe, ut videtur, cares oculorum lumine*. Dindorfius, cui Meinekius assentitur, Corais monitu post ὁμμάτων punctum, post δνγαίων interrogandi signum, post μαργαίων γ', quod ille scripsit, comma, post ἐπειχάσαι punctum posuit. Videamus ipsi, quid de hoc loco injuria vexato statuendum sit. Quantum nobis perspicere licet, nihil chorus dicere voluit, nisi Oedipum, quantum sibi quidem conjicere liceret, inde ab ortu per totam vitam caecum fuisse videri. Haec sententia sine ulla difficultate in illis versibus, de quibus disputamus, reperiri potest, si modo cavemus, ne supervacanea interpunctione adhibita viam nobis ipsi praecludamus. Habuerunt vero interpretes nullam harum rerum rationem. Primum enim particulae καί — τε ita sibi hoc loco respondent, ut apud nos *ebenso* — *wie*. Deinde genitivus ἀλαῶν ὁμμάτων neque exclamandi notionem habet neque ab adjectivo φντάλμιος pendet, sed plane eodem modo, quo apud Plat. Phaed. p. 58 E. ad εὐδαίμων genitivi τοῦ τρόπου et τῶν λόγων additi sunt, de qua constructione conf. Bernhard. synt. gr. p. 171, adjectivo δνγαίων regitur; δνγαίων autem prorsus contrarium est adjectivo εὐδαίμων neque dubitari potest, quin etiam Sophocles hoc loco δνσδαίμων scripturus fuerit, si ob metrum liceret. Tum particulae ἄρα concludendi significatio



inest, quae verbis ὥς ἐπεικᾶσαι satis aperte indicatur. Postremo adjectiva φντάλιμος et μακρᾶίων sibi ita opposita sunt, ut revera illud notionem habeat, quam scholiastes affert, ἀπὸ γνύτης, ἀπὸ γενέσεως, μακρᾶίων autem senem significet. Sunt enim adjectiva temporis, quorum loco nobis adverbia in usu sunt. Dixit igitur Sophocles haec: *ob caecos igitur oculos ut ab ortu, sic adhuc senex infelix es, quantum conjicere licet.* Jam restat, ut mendum aliquod lectionis ob metricam necessitatem tollamus. Perspicuum enim est non solum τέ θ' in τ' ἔθ' dirimendum esse, quod jam ab aliis factum est, sed etiam, quum insequens ὥς Bothius recte in ὅς' mutaverit, pro ἐπεικᾶσαι poni debere εἰκᾶσαι, quod ipsum verbum Sophocli usitatissimum est. Scribo igitur postrema huius loci verba sic: μακρᾶίων τ' ἔθ' ὅς' εἰκᾶσαι. De ἔ ἔ nihil audeo pro explorato proponere.

V. 277 καὶ μὴ θεοὺς τιμῶντες εἶτα τοὺς θεοὺς  
μοίραις ποιῆσθαι μηδαμῶς.

In substantivo μοίραις, quod etiam Laur. A exhibet, jure offenderunt interpretes. Nonnulli μοῖραν, quae est scriptura librorum Triclinianorum, revocaverunt praeunte Schaefero. Reisigius, quum in duobus codicibus μοίρας exstet, τοὺς θεοὺς μοίρας ποιῆσθαι μηδαμῶς scribere voluit, μοίρας pro genitivo accipiens. Hermannus Schaeferum secutus est. Dindorfius μοίρα correxit, quamquam ad quos provocaverat, Herodotus II, 172 in verbis ἐν οὐδεμὶν μοίρῃ μεγάλῃ et Sophocles Phil. v. 498 in verbis ἐν σμύρῳ μέρει praepositionem ἐν ad ποιῆσθαι addiderunt. Meinekios, qui prorsus laudabili modo Dindorfii conjecturam improbaverat, nihilominus Brunckium secutus est, qui justo audacius εἶτα τῶν θεῶν μοίραν ποιῆσθαι μηδαμῶς mutaverat. Multo rectius Nauckius reiectis aliorum conjecturis huc usque prolatis μαύρους coniecit, quod sequentium versuum sententia videbatur sustentari. At non caecitatis notio hic requiritur, quamquam tolerari potest, sed contraria verborum θεοὺς τιμῶντες. Nam Oedipus Atticos cives moniturus est, ne in alia re Deos honorent, in alia contemnant. Quare facili mutatione facta μείους pro μοίραις scripserim. Ut θεοὺς τιμᾶν Deos magni facere, sic θεοὺς μείους ποιῆσθαι est Deos minoris facere. Nos dicimus *verkleinern*, *herabsetzen*. Accedit igitur sententia, in qua conjectura mea nititur, proxime ad eam, quae a prioribus criticis quaerebatur constructionibus minime graecis. Cum μείους ποιῆσθαι comparare licet verba v. 957 h. f. ἐρημία με σμυρὸν τίθησι, Oed. Reg. v. 1083 μῆνές με μυρὸν καὶ μέγαν διώρισαν, Antig. v. 78 ἐγὼ μὲν οὐκ ἄτιμα ποιοῦμαι<sup>1)</sup>).

V. 306 ὥστε καὶ βραδὺς  
εὐδελὶ κλύων σοῦ δεῦρ' ἀρίξεται ταχύς.

Multum vexavit interpretes verbum εὐδελι, quod in omnibus libris manu scriptis legitur. Coniecit Eldikius, quem Nauckius sequitur, quum melioris nihil in promptu habeat, σπεύδει; Brunckius, cui Hermannus, Hartungus, Meinekios assentiuntur, ἔρπει; Seidlerus ἔρδει; Reiskius τ' ἄλλ' ἤ; Doederlinus ἢ εὐδελι; nuperrime Dindorfius (conf. ed. IV Teubn. p. XXXVII) γήρα, quod jam ab H. Hirzelio approbatum est. Solus Schaeferus εὐδελι defendere est conatus metaphorice dictum esse ratus. Bergkios, vir doctus alias in conjecturas pronus, nullo ad hunc locum addito verbo integram libro-

<sup>1)</sup> Ea, quae ad v. 278 notavi, jam scripta erant, quum mihi Philol. vol. XV et edit. IV Sophoclis Nauckiani afferebantur, e quibus libris cognovi jam Martinum in eam, quam ipse inveneram, conjecturam incidisse. Cuius mentio quum neque a Dindorfio neque a Meinekio facta sit, nolui meam de illo loco expositionem ex hoc libello tollere. — Hae occasione oblata simul addiderim conjecturas illas a me in Soph. Oed. Reg. v. 117 et v. 314 factas, etiam a Dindorfio propositas esse, cuius rei tum, quum observationes in illam fabulam ederem, nullam habere poteram cognitionem novissima Dindorfii editione Oxoniensi adhuc carens.

rum scripturam exhibuit. — Prorsus ineptum esse de lenta festinatione cogitare, cui fortasse in comoedia locus esse potest, non est, quod multis demonstremus, quare infelicissime Nauckius memoriam Eldikiani illius inventi renovasse videtur. — Tarditatis causam Meinekius inde repetiit, quod poeta Theseum ad Periclis exemplum tardiusculo gravique gressu utentem fecerit. At ex versu 890, ad quem Meinekius provocavit, id tantum potest colligi Theseum celerius, quam pedes pati voluissent, ergo supra virium suarum modum festinavisse. Quod qui fecit, num dignitatem in eundo servasse aut omnino tardius ivisse dici potest? Dindorfius eodem illo versu usus est ad demonstrandam Thesei senectutem. Quae quamquam jure quodam statui potest, tamen non satisfacit ad probandam Dindorfii conjecturam γήρα nimis audacter in textum receptam. Nam quae tandem literarum similitudo inter εὔδει et γήρα intercedit vel qua ratione umquam εὔδει e γήρα proficisci potuit? Quare ne Dindorfium quidem verum vidisse consentaneum est. — Vehementer mirari licet, quod Hartungo excepto novissimis editoribus, qui codicum scripturam εὔδει improbaverunt, in mentem non venit eam viam, qua qui lente tardeque ingreditur, celerrime tamen in alium locum pervenire potest (δεῦρ' ἀφίξεται ταχύς), non μακρὰν ζέλευθον (v. 303), sed βραχεῖαν dici debuisse. Hoc eo magis mirandum est, quod jam Musgravius μακρὰ in μικρὰ mutare voluerat. Nam Athenae reapse tam breve spatium a pago Colono aberant, ut Antigona hinc πύργους μὲν οὐ πόλιν στέγουσιν πρόσω (v. 14) conspicere posset. Thucydides autem VIII, 67 in verbis ξυνέκλησαν τὴν ἐκκλησίαν ἐς τὸν Κολωνόν (ἔστι δὲ ἱερὸν Ποσειδῶνος ἔξω πόλεως, ἀπέχον σταδίων μάλιστα δέξα) decem tantum stadia Coloni Athenis distare diserte dicit. Quae quum ita sint, conjicere possis non ὥστε καὶ βραδὺς εὔδει (ἔρπει, σπεύδει, γήρα) a Sophocle scriptum esse, sed ὥστ' ἐπεὶ βραχὺ ὁδός. Si iter tam breve erat (nos verteremus βραχὺ nur ein Kleines), sane Theseus, si modo Oedipi rationem habere vellet, brevissimo tempore Athenis advenire poterat. Ἐπεὶ autem pro — ε καὶ scribere eo majorem commendationem videtur habere, quod Sophocles post ἐπεὶ verbum εἶναι amat omittere, conf. Ant. v. 74, Aj. v. 1310, Trach. v. 320, h. f. v. 1334. Quae quamvis ita sint, tamen hanc conjecturam loci explicandi causa tentatam veram non habeo. Nam etiam servato verbo εὔδει sententia huic loco prorsus accommodata facillime potest parari. Cogitari enim licet Atticum illum non solum Oedipum de Thesei adventu solari, sed etiam coram illo de generoso regis animo officiosaque voluntate ejus gloriari voluisse. Qua re, jam quaeso, significantius hanc Thesei animi generositatem notare poterat, quam dicens illum, etiamsi, quum de Oedipi adventu certior fiat, altissimo somno sopitus fuerit, tamen statim ad hunc contenturum esse? Talem in sententiam ut verba, quae in libris exstant, formemus, nihil opus est nisi pro βραδὺς scribere βαθὺ vel βαθύρ, intellige ὕπνον, quae ellipsis in ore huius Attici simplicitatem quandam morum prodit, et εὔδει in optativum εὔδοι mutare, qui modus mihi hoc loco prorsus videtur necessarius. Quomodo vero quis verba καὶ βραδὺς εὔδει etiamsi serus dormiat cum Bothio vertere vel ut Schaeferus metaphorice de homine otioso, qui animum habeat ab omnibus curis laxatum accipere potuerit, id prorsus nego mihi quidem esse perspicuum. Ceterum ego quoque, id quod jam Meinekius in praefat. ad Oed. Col. p. X et Dindorfius l. l. p. XXXVII fecerunt, H. Hirzelio, qui Mus. Rhen. vol. XVIII, p. 306 sqq. vv. 301—304 delendos esse evincere studuit, ita assenserim, ut versus illos ad eam, quam nunc legimus, Sophoclis recensionem minime pertinere existimem. Fortasse autem antiquitus duplex exstabat cum totius fabulae, tum huius loci recensio. Cui vero sententiarum ordini ii, quos Hirzelius recte suspectos reddidit, versus olim inserti fuerint, id nunc quidem conjectura non licet assequi.



V. 335 οἱ δ' αὐθόμαιμοι ποῦ νεανίαί πονεῖν;  
εἴς' οὐπερ εἰσί· δεινὰ δ' ἐκείνοις τὰ νῦν.

Rectissime plerique editores in constructione adverbii ποῦ, cuius loco in Laur. A. falso ποῖ legitur, ob sequentem infinitivum πονεῖν offenderunt, nemini vero huc usque omnem huius loci difficultatem contigit tollere. Neque enim τὸ νῦν neque πονῶν, quae verba quidam pro πονεῖν substituere volebant, satisfaciunt. Nec infinitivus πονεῖν ad substantivum νεανίαί alio modo addi poterat, quam adjecta praepositione εἰς, quod ipsum a Sophocle v. 1368 αἶδ' ἄνδρες, οὐ γυναῖκες εἰς τὸ συμπονεῖν factum est. Quum ob v. 342 οὗς μὲν εἰκὸς ἦν πονεῖν τάδε verbum πονεῖν retinendum esse certissimum sit, nihil facilius esse videtur ad constructionem legitimam restituendam, quam πόνουν scribere. Id Oedipus quaerere volebat, qua re factum sit, ut Ismene neque vero, quos exspectaverat, filii cum illo nuntio venissent. Interrogavit igitur, qua in re filii occupati essent. Quamquam jam fortasse, quum in aliqua re occupari etiam in ea re esse significare possit, elucet hoc optime ex usu latini verbi *versari*, Ismene ambiguo modo respondere poterat: *sunt, ubi quidem sunt*, tamen mihi magis satisfactum esset, si pro εἴς' οὐπερ εἰσί legeretur ἕα γ' οὐπερ εἰσί, quod ex omni parte sententiae huius loci respondet. Simili modo Sophocles Menelaum in Aj. v. 1048 dicentem fecit: ἀλλ' ἔαν ὅπως ἔχει. De pronuntiatione imperativi ἕα conf. Ellendt. lex Soph. Tom. I, p. 467. Lectio autem Laur. A. δεινὰ δ' sine dubio servanda, ἐκείνοις vero, ut jam dudum factum est, in ἐν κείνοις est mutandum.

V. 367 πρὶν μὲν γὰρ αὐτοῖς ἦν ἔρις Κρέοντί τε  
θρόνους ἑᾶσθαι μηδὲ χραίνεσθαι πόλιν.

Difficillimum est de hoc loco certum aliquid statuere. Nihilominus cum praetermittere nolui, primum quod conjectura ἐν φρεσὶ pro ἦν ἔρις, olim a Wexio proposita, de qua conferas libellum ejus *Kritische Beiträge zur Kritik des Sophokleischen Oedipus auf Kolonus*, Schwerin 1837, p. 7, injuria neglecta est ab editoribus multo peiores conjecturas fideliter propagantibus, tum quod ea lectio, in quam ipse incidi, cum sententiae aptissima, tum legibus Graeci sermonis accommodatissima esse videtur. Scripserim enim εἰκὸς ἦν. His verbis, quae ob literarum similitudinem facile cum ἦν ἔρις commutari poterant, poeta significare voluit fratribus aequum et in Creontem et in cives visum esse regni a patre relictum non potiri. — Ceterum Wexii conjectura ideo improbanda est, quod ἐν φρεσὶ locutio est sola Homérica.

V. 501 οὐ γὰρ ἂν σθένει τοῦμόν δέμας  
ἔρημον ἔρπειν οὐδ' ἐφηγητοῦ δ' ἄνευ.

Probo quidem, quod Meinekius Wexii conjecturam ὧδ' pro οὐδ' rejecit, sed doleo, quod vir ille doctissimus in δίχα, quod a Dindorfio tribuitur Hermannō, acquievit. Apparet enim genitivum ἐφηγητοῦ hic eodem modo, quo Oed. Reg. v. 966: ὧν ἐφηγητῶν ἐγὼ et Oed. Col. v. 1588: ἐφηγητῆρος οὐδενὸς φίλων absolute a poeta usurpatum esse. Quem absolutum genitivum ut hic efficiamus, nihil opus est nisi pro δ' ἄνευ, quae est Laur. A. scriptura et e glossemate originem duxisse videtur, scribere τινός. Quod si fecerimus, eam sententiam, quae sola huic loco apta est, restituerimus. Magnum enim discrimen interest inter ἔρημον et, quod adhuc legebatur, ἐφηγητοῦ ἄνευ vel δίχα. Ἐρημος ἔρπει, cuius gressus ab aliis non fulcitur, ἐφηγητοῦ ἄνευ ἔρπει, quem alius non praegreditur. Fulciri ei opus est, qui ob virium defectum ire nequit; ut ducem adhibeat, contra ei suaderi debet, qui ob caecitatem iter conspiciere nequit. Dicit igitur Oedipus se, quippe qui non solum caecus, sed etiam imbecillus sit, etiamsi dux sibi antecedit, tamen nisi ab aliis fulciatur, ire non posse.

V. 636 ἄγῳ σεβισθεὶς οὐ ποτ' ἐκβαλῶ χάριν  
 τὴν τοῦδε, χώρα δ' ἔμπαλιν κατοικιῶ.  
 εἰ δ' ἐνθάδ' ἡδὺ τῷ ξένῳ μίμνειν, σέ νιν  
 τάξω φυλάσσειν· εἴτ' ἐμοῦ στείχειν μέτα  
 τὸ δ' ἡδὺ τούτων, Οἰδίπους, δίδωμί σοι  
 κρίναντι χρῆσθαι· τῇδε γὰρ ξυνοίσομαι.

De his versibus nuperrime duo viri doctissimi scripserunt, L. Spengelius in Philol. vol. XIX, p. 442 sq. et Meinekius in editione sua huius fabulae, p. 162. Quorum virorum auctoritatem, quamvis plurimum valeat in aliis rebus, tamen in hac agnoscere nequeo. Approbo quidem, quod Musgravii conjecturam ἔμπολιν Meinekius tandem, postquam omnes fere interpretes Elmslejo et Ellendtio exceptis ab illius partibus steterunt, rejiciendam esse censuit; sed nullam omnino video causam, ob quam ἔμπαλιν in ἔμπα νιν commutemus. Missum igitur faciamus hoc Meinekianum inventum et pro virili parte ἔμπαλιν defendendum suspiciamus. Significat autem hoc, quod nos dicimus *im Gegentheil*; τοῦμπαλιν Graecis ipsum est contrarium. Dicit igitur Theseus fere hoc: *seine Liebesgabe werde ich niemals wieder fahren lassen, im Gegentheil, ich werde ihr eine Stätte schaffen in unserm Lande*. Aliud est rem aliquam missam non facere, aliud diligenter eam asservare. Quasi igitur inter loquendum demum intellexerit quam plurimum, imo ut rem contrariam, χάριν οὐ ποτ' ἐκβαλεῖν differre a χάριν χώρα κατοικίζειν, orationem suam correcturus addit Theseus χώρα δ' ἔμπαλιν κατοικιῶ. Quantum video, Musgravius et cum eo posteriores editores hunc locum ita acceperunt, ut ad κατοικιῶ Theseum objectum assumerent. Hoc umquam fieri posse nego. Nullum aliud ad verbum κατοικιῶ pertinet objectum, quam τὴν τοῦδε χάριν. Locutus autem est Theseus, id quod interpretes non perspexerunt, poetica quadam ratione respiciens cum ad paucissimos illos dies Oedipo adhuc vitae reliquos, tum ad illa tempora, ubi jam senex de vita decessisset. Cogitat igitur jam nunc etiam de ultima illa domo, quae unumquemque nostrum manet post mortem. Ceterum quid Oedipo profuisset inter cives Athenienses rite recipi? Nunc quidem solum Thesei praesidium imploraverat. Itaque illa, quae in tempus facere paratus sit, Theseus iis, quae sequentibus versibus exponuntur, significavit. Quae quum ita sint, nullo modo Spengelio assentiri possum dicenti: *es folgt aber auch, dass diesem εἴτε ein anderes wirklich oder dem Gedanken nach entsprechen muss, und beide sich an das Verbum κατοικιῶ anschliessen: ich will den Fremden in unserm Lande ansiedeln, sei es, dass er hier bleiben mag, und in diesem Falle sollst du für ihn sorgen, oder dass er mit mir gehen will. Es ist daher nicht unwahrscheinlich, dass κατοικιῶ, εἴτ' ἐνθάδ' ἡδὺ . . εἴτ' . . zu lesen ist.* — Post κατοικιῶ punctum ponendum est, ut omnibus temporibus est factum. Nam quatuor sequentes versus per se totum aliquid efficiunt. Jure vero interpretes in his versibus haesitaverunt. Apparet, inquit Meinekius, in his nullum esse legitimae orationis vestigium. Dubitari autem non potest, quin in verbis τὸ δ' ἡδὺ vitium aliquod lateat. Nam perspicere non possumus, cur Theseus post ipsa illa verba τὸ δ' ἡδὺ, ad quae, si τόδ' ἡδὺ legendum est, dativus ἐκείνῳ intelligi debet, quasi saltu quodam facto ad invocandum Oedipum transeat. Omnem difficultatem tolli posse arbitror, si pro τὸ δ' vel τόδ', quod saepius corruptum invenitur in libris Sophocleis, de qua re conferas, quae ad Antig. v. 480 et h. f. v. 1135 attulimus, σοί γ' scribimus. Offendere non potest, quod jam et in prodosi et in apodosi pronomen σοί legitur utpote in utraque necessarium. Simili modo σοί repetitum est Oed. Reg. v. 379 Κρέων δέ σοι πῆμ' οὐδέν, ἀλλ' αὐτὸς σὺ σοί. Pro εἴτ' autem, quod Laur. A. exhibet, cum plerisque editoribus εἰ δ' scribendum erit. Verbis εἰ δ' ἐμοῦ στείχειν μέτα σοί γ' ἡδὺ



Theseus Oedipum jam allocutus est; ipsius vero nomen in apodosi demum posuit. Cogitemus igitur Theseum inter loquendum statim verbis εἰ δ' ad Oedipum se convertisse.

V. 658 πολλὰ δ' ἀπειλὰι πολλὰ δὲ μάτην ἔπη  
 θυμῷ κατηπείλησαν, ἀλλ' ὁ νοῦς ὅταν  
 αὐτοῦ γένηται, φροῦδα τὰπειλήματα.

Solus is, qui non ignorat, quot et quam absurdae opiniones saepissime in rebus simplicissimis a criticis excogitatae sint, fieri potuisse intelliget, ut tot, quot exstant, in hunc locum pravissimae conjecturae promulgarentur. Nisi mihi chartae parcendum esset, lectorum delectandorum causa omnes horum versuum lectiones inde ab Aldi temporibus propositas hoc loco recenserem. Profecto esset opera iis non inutilis, quorum oculi librorum usu ita obtusi doctrinaeque farragine sic impediti sunt, ut simplicissima quaeque vel ante ipsos pedes posita videre nequeant. — Probe quidem Meinekius eos viros doctos laudavit, qui *illas minantes minas* mirati sint, nihilominus tamen falsissime κατηπείλησαν glossema alius verbi c. c. κατεξέπνευσαν habuit. Tali autem artificio prorsus hic non opus est. Quaeramus potius, quid omnino aliquid minari possit. Nihil profecto praeter homines aut verba. Quum de hominibus hoc loco sermo non sit, verba minata esse statui necesse erit. Quod si ita est, πολλὰ δ' ἀπειλὰι in πολλὰς δ' ἀπειλὰς et κατηπείλησαν in κατηπείλησεν mutanda erunt. Vertere autem licet locum a nobis restitutum, qui ob alliterationem per complura verba continuatam notabilis est, sic germanice: *wohl haben vielmals Worte der Drohungen mancherlei dem Zorn zu Folge schon vergeblich gedroht*. Est quasi hic locus, ut hac imagine utar, fabula de minis, quae hic ut ira et mens tamquam homines repraesentantur. Liceat mihi eam enarrare. Ira, quum exardescit, mentem capit, ut jam sui non compos sit, et verba appellat, ut minas jactent. At mens diu irae imperium non tolerat sensimque se recolligit. Quod simul factum est, cito aufugiunt minae verbis ante jactatae. — Alliteratio, quam in his versibus invenimus de quaque conferas Goettling. ed. II. Hesiod. p. XXXIII sq., documento esse potest Theseum re vera fabulam vel proverbium, quod Graecis in ore erat, in mente habuisse. Nemo autem de significatione dativi θυμῷ amplius poterit dubitare, qui ethicus ille est, quem vocant, de quo vide Bernh. synt. gr. p. 85. Ceterum compara h. f. v. 1281 sqq. et M. Seyffert ad Antig. v. 718 in Jahn Ann. 1863, p. 495 sq.

V. 776 ὥσπερ τις εἴ σοι λιπαροῦντι μὲν τυχεῖν  
 μηδὲν δίδοι μηδ' ἐπαρκέσαι θέλοι.

Quamquam plerique Sophoclis loci vitio depravati hodie jam notati sunt, tamen etiam nunc aliquot exstant, de quorum integritate nemo adhuc dubitavit. Inter hos est idem ille versus referendus, quem supra typis exhibuimus. Vehementer mirandum est, quod nemo in infinitivo verbi τυχεῖν offendit. Nonne prorsus inutile erat ac supervacaneum ad λιπαρεῖν, quod etiam v. 1201 h. f. absolute usurpatum est, addere τυχεῖν, quod ne aptum quidem huic loco est? Neque enim τυχεῖν, sed δοῦναι expectatur. At ne hoc quidem tam nude positum ullo modo posset satisfacere. Nam aut tale generale verbum omnino omittendum erat aut eae ipsae res nominatim indicandae, quae a supplice rogantur. Quare meo quidem iudicio istud τυχεῖν orationem Sophoclis prorsus dedecet. At, quid, inquit quispiam, jam faciendum est? Meminerimus veteribus poetis omnes res, quas vel narrant vel describunt, quasi imagines ita ante animi oculos obversatas esse, ut in narrandis his rebus nihil facerent, nisi ut, quae intuerentur, quasi depingerent et imitarentur. Sic hoc quoque loco Sophocles Creontem fortasse in itinere calamitate aliqua laborantem auxilioque destitutum in solo jacentem et alium, qui casu eodem itinere incesserat, in illum incidentem finxit. Ut

rem ita factam esse imaginemur, sine dubio impellemur, si *τυχὼν* scripserimus. Quare censeo hoc restituendum esse. *Τυχεῖν* autem hoc loco idem est atque *συντυχεῖν* apud Herodot. IV, 14 in verbis: *πάντα συντυχεῖν τέ οἱ ἰόντι ἐπὶ Κυζίκου καὶ ἐς λόγους ἀπικέσθαι*. Ceterum mihi hunc Sophoclis locum emendaturo in mentem venit narratio de Samaritani misericordia, quae apud Luc. X, 30 sqq. exstat et huius Sophoclei loci quasi commentarius quidam est.

V. 808 *χωρὶς τό τ' εἰπεῖν πολλὰ καὶ τὰ καίρια*.

Quum etiam in minutissimis rebus critico diligentia adhibenda sit, nolui tacere mihi jam olim necessarium visum esse pro *τὰ καίρια* scribere *τὸ καίρια*, quod his demum diebus comperi jam olim a Brunckio, hac vero aetate ab Hartungo in textum receptum et a Meinekio secundum Suidae testimonium commendatum esse. Prorsus similis locus legitur apud Aesch. Prom. v. 931: *ὅσον τό τ' ἄρχειν καὶ τὸ δουλεύειν δίχα*. Vehementer autem miratus sum, quod Dindorfius et Nauckius lectionis Brunckianae *τὸ καίρια* ne mentionem quidem fecerunt. Sine dubio in talibus rebus congruentia atque concinnitas sermonis plus debet valere quam vel ipsius codic. Laur. A auctoritas. Cuivis perspicuum erit nihil facilius fieri potuisse, quam ut librarius *τὰ* pro *τὸ* legeret.

V. 813 *μαρτύρομαι τοὺςδ' οὐ σὲ πρὸς δὲ τοὺς φίλους  
οἷ' ἀνταμείβει ῥήματ', ἣν σ' ἔλω ποτέ.*

Inter difficillimos huius tragoediae locos versus 813 et 814 referendi sunt, qui ab interpretibus diversissima ratione et constituti sunt et explicati. Laur. A codicis scripturam supra exhibuimus; notandum vero est in aliquot libris *πρὸς γε* pro *πρὸς δὲ* exstare.

Scripsit Musgravius: *μαρτύρομαι τοὺςδ', οὐ σέ, πρὸς γε τοὺς φίλους  
οἷ' ἀνταμείβει ῥήματ'· ἣν δ' ἔλω ποτέ —*

Brunckius: *μαρτύρομαι τοὺςδ', οὐ σέ, πρὸς γε τοὺς φίλους  
οἷ' ἀνταμείβει ῥήματ'. ἣν σ' ἔλω ποτέ —*

Reisigius: *μαρτύρομαι τοὺςδ', οὐ σύ, πρὸς δέ, τοὺς φίλους  
οἷ' ἀνταμείβει ῥήματ', ἣν σ' ἔλω ποτέ.*

Hermannus: *μαρτύρομαι τοὺςδ', οὐ σέ. πρὸς δὲ τοὺς φίλους  
οἷ' ἀνταμείβει ῥήματ', ἣν σ' ἔλω ποτέ,*

Halmius: *μαρτύρομαι τοὺςδ', οὐς σὺ πρόσθε, τοὺς φίλους  
(de altero versu mihi non constat, quid Halmius statuerit)*

Hartungus: *μαρτύρομαι τοὺςδ', οὐς σὺ προὔστησω φίλους,  
οἷ' ἀνταμείβει ῥήματ', ἣν σ' ἔλω ποτέ.*

Dindorfius: *μαρτύρομαι τοὺςδ', οὐχὶ σ', ὅς γινώσκει φίλους  
οἷ' ἀνταμείβει ῥήματ', ἣν σ' ἔλω ποτέ.*

Bergkiius: *μαρτύρομαι τοὺςδ', οὐ σέ, πρὸς δέ, τοὺς φίλους,  
οἷ' ἀνταμείβει ῥήματ'· ἣν σ' ἔλω ποτέ —*

Meinekiius: *μαρτύρομαι — τοὺςδ' οὐχί, πρὸς δὲ τοὺς φίλους  
οἷ' ἀνταμείψει ῥήματ', ἣν σ' ἔλω ποτέ.*

Engerus: *μαρτύρομαι τοὺςδ', ὧδ' ἔχοντα προσφιλῶς  
οἷ' ἀνταμείβει ῥήματ', ἣν σ' ἔλω ποτέ, .*

Profecto tot proposuerunt viri docti conjecturas, ut putare possis esse jam inter illas veram neque quidquam nobis restare, quam ut illam, quae tantum una esse poterit, eligamus. At in arte critica idem solet evenire, quod in medicina. Quo inveteratior morbus, eo desperatior eoque plura ab medicis saepissime frustra adhibita sunt remedia. Nihil vero in medicina plus



valet ad sanandum, quam sedem morbi haud ignorare. Etiam in his desperatis Sophoclis versibus sedes corruptelae adhuc latet. Non interpunctio, non aposiopesis solae medelam, quae hic requiritur, afferre possunt. Quaeramus igitur ipsi. Primum vero οὐ, deinde σέ, tum πρὸς δέ, postremo οἱ ἀνταμείβη corrupta esse videntur. Nam quis putet a Creonte chorum testem invocari eorum, quae Oedipus jam dixerat? Talis invocatio aliorum rem debet respicere, quae futura est. Quod autem Creon futurum esse putat, id certo post illud demum tempus futurum erat, quo ille Oedipo jam potitus erat. Quare equidem putaverim Sophoclem olim haec scripsisse:

μαρτύρομαι τοὺςδ', εἰ σὺ πρὸς γε τοὺς φίλους  
τοιαῦτ' ἀμείψει ῥήματ', ἢν σ' ἔλω ποτέ.

*Chorus igitur videre jubetur a Creonte, num Oedipus, si a Creonte vi correptus sit, tales, quales nunc, in propinquum suum voces jactare perrecturus sit.* Omnes difficultates, quibus vexatissimus hic locus impeditus erat, conjectura mea radicitus in perpetuum sublatas esse persuasissimum mihi est. Τοιοῦτος autem saepissime de rebus et verbis infestis usurpatur ut h. f. vv. 629, 781, 1002.

V. 1113

ἀναπαύσατον

τοῦ πρόσθ' ἐρήμον τοῦδε δυστήνου πλάνου.

Hic versus ob verbum ἀναπαύσατον semper interpretibus negotia facessivit. Nesciebant enim, utrum illud, ut Musgravius fecit, quem Wunderus sequitur, passivo sensu accipere an, ut nuper Dindorfius quoque, ad hoc verbum μὲ intelligere deberent. Recte quidem Dindorfius de passiva significatione huius verbi dubitavit, sed cum plerisque editoribus de eo prorsus securus fuisse videtur, num res primaria huius loci, dico autem objectum, omnino potuerit omitti. Id fieri potuisse prorsus nego. At non adeo difficile erat objectum, quod necessarium est, invenire. Scribendus enim est pro genitivo τοῦ πρόσθ' ἐρήμον accusativus τὸν πρόσθ' ἐρήμον. Non vereor, ne quis mihi objiciat Oedipum etiam recuperatis filiabus ἐρήμον fuisse. Nonne plane ingrato erat animo, si coram ipso Theseo, cuius auxilium jam in se et filiabus suis verissimum atque efficacissimum expertus esset, amplius desertus sibi visus esset? Nonne paucis versibus ante se etiam nunc miserum esse his verbis diserte negaverat οὐδ' ἔτ' ἂν πανάθλιος θανὼν ἂν εἶην σφῶν παρεστῶσαι ἐμοί?

V. 1134

οὐκ ἔγωγέ σε

οὐδ' οὖν ἔάσω.

Hoc loco doceri potest his in literis perniciosissimum esse auctoritatem alicuius viri, quamvis doctrina ingenioque spectatissimi, ita sequi, ut in res semel ab aliis tractatam pro virili parte de novo inquirere desinas. Video enim nullum editorem post Hermannum de integritate huius loci dubitavisse omnesque eodem modo, ut vir ille doctissimus, horum versuum explicationem instituisse sententiam non justam tali modo explentes, ut illorum exemplum secutus ad omnia omnia possis supplere. Oedipus, postquam laetitia exsultans regem, ut manum sibi tangendam caputque exosculandum porrigeret, imploravit, jam re melius considerata Theseum se rogaturum esse negat, ut se hominem flagitiis contaminatum tangat. Pergit οὐκ ἔγωγέ σε οὐδ' οὖν ἔάσω. Haec verba Hermannus ita explevit: οὐκ ἔγωγέ σε θελήσαιμ' ἂν θιγεῖν ἐμοῦ, οὐδ' οὖν ἔάσω, εἰ αὐτὸς βούλοιο θιγεῖν. Quo tandem jure? etiam atque etiam quaero. Quodsi tam inconcinne Sophocli dicere licuisset, carmina ejus non cogitata sapientissimi omnium poetarum pulcherrimo modo expressa, sed voces habendae essent furentis alicuius temere fusae nec causam haberemus, ob quam juventutem nostram de integro semper ad hunc quidem poetam relegemus. At res sic se non habet, ut Sophocli culpa imputanda sit, quae a librariis commissa est. Simplicissima enim mutatione facta

integer Sophocles restitutus erit. Si memores sumus in Antig.v. 538 ἀλλ' οὐκ ἐάσει τοῦτό γ' ἡ δίκη σε cum verbo ἐάν a Sophocle et accusativum personae et accusativum rei junctos esse, non dubitabimus, quin hic scribendum sit: οὐκ ἔγωγέ σε τόδ' οὖν ἐάσω. Saepissime autem τόδε a librariis falso lectum esse jam supra exposuimus.

V. 1148 χῶπως μὲν ἄγων οὗτος ἤρεθ' ἵ δέ μ' ἄτην  
κομπεῖν.

Sane erant variae causae, ob quas interpretibus de horum versuum fide dubitandum esset. Primum in v. 1148 duae syllabae abundant, incertum vero est, quae expellendae sint; deinde ἄγων οὗτος dici nequit, quum articulus desideretur, tum prima syllaba verbi ἄγων brevis est, quum producta esse debeat. Ob has causas Heathius pro ἄγων οὗτος scripsit solum ἄγων, at jure dubitatur, num Graeci ἄγων αἰρεῖν dicere soliti sint. Nauckius ejecto οὗτος scripsit ἄγων, quo participio Creontem indicari voluit, sententia quidem proba, sed jure a Meinekio propter antecedentia verba πάρεμι' ἄγων improbat. Meinekio autem ipsi a Sophocle χῶπως μὲν οὗτος ἤρεθ', quod jam Bothius invenerat, scriptum fuisse verisimile est. Commendari videtur haec conjectura eo, quod chorus, cuius rei ipse Meinekios monuit, Creontem captum iri v. 1065 praesagiverat. Suspiciari possis Sophoclem scripsisse χῶπως Κρέων μὲν ἤρεθ'. At quamquam haec conjectura sententiae huius loci congrua est, tamen consentaneum non est poetam ipso raptoris nomine pro locutione reprehensionem quandam exprimente uti maluisse. Putaverim igitur potius ἀγρεὺς antiquitus a Sophocle scriptum esse, quod ironice et metaphorice de Creonte dictum triumphantem Theseum, cuius promissis illudere Creonti non contigerat, optime hoc loco decet. Pergit vero quodam modo hoc substantivo Theseus in eo loquendi genere, quod cum de minis dicentem supra vidimus adhibentem. Praeclarissime igitur Sophocles mores ingeniumque regis et finxit et servavit. Simili autem modo Theseus jam v. 1025 dixerat γινῶθι δ' ὡς ἔχων ἔχει καὶ σ' εἴλε θηρῶνθ' ἡ τύχη. Quis vero alius est θηρῶν quam ὁ ἀγρεὺς?

V. 1204 τέκνον, βαρεῖαν ἡδονὴν νικᾷτέ με  
λέγοντες.

Etiam hic locus, de quo permulta ab interpretibus disputata sunt, adhuc sanatus non est. Hermannus, Dindorfius, Meinekios prorsus silentio eum praeterierunt. Doederlinus ἡδονὴν ex λέγοντες pendere statuit. Erfurdus recte quidem constructionem verbi νικᾷν, quod jure comparat cum ἐξαιτεῖσθαι, indagavit, sed sententiam eruit his verbis minime significatam. Vincitis me, explicat Erfurdus, extorquentes oratione vestra rem, vobis quidem jucundam, mihi vero permolestam. Huic explicationi adstipulati sunt Wunderus et Schneidewinus. At quid respondet hic Oedipus a filiabus rogatus, ut filium, quem vituperat atque odit, exaudiat? Ut nunc quidem verba leguntur, nihil aliud, quam filias patri molestam voluptatem oratione sua extorquere. Haec voluptas utrum patris an filiarum est? At hic nullus sermo est de ulla voluptate aut patris aut filiarum. Nonne etiam sororibus, quantumvis misericordia commotae essent, Polynices reprehensione quam gravissima dignus erat? Accedit, quod orationi iis verbis, quae codicibus exhibentur, servatis, sane, quod recte cognovit Schneidewinus, oxymoron, quod vocant, inesset. Quis putet Oedipum hoc quidem tempore tali figura usurum fuisse? Hartungus eo difficultatem huius loci sustulisse sibi videtur, quod ἡδονὴν idem esse atque χάριν statuit. At id exemplis ei demonstrandum erat. Vix dignus est, qui commemoretur, Blaydesius, qui nimia audacia abreptus βαρεῖαν δὲ χάριν sive δόσιν mutare voluit. Recte, quamquam severe, de omni Blaydesii editione Sophoclis iudicavit Ritschellius de cantico Soph. Oed. Col. p. XII. Nihil igitur restat, quam ut ipsi hunc



difficillimum locum emendandum suscipiamus. Videtur autem Sophocles re vera non ἡδονὴν νικᾶτε, sed ἤτταν ἐκνικᾶτε scripsisse; ἤττα vero saepissime usurpatur de obsequio in aliorum voluntatem, velut Demosth. p. 1486, 3; Plut. Brut. 6, quos locos quintae editioni lex. Passov. debeo. Dicit igitur Oedipus: *durch euer Reden zwingt ihr mir ein Nachgeben ab, das mir schwer wird.* Ceterum ut intelligas, quamnam rem ἡδονὴν dicere liceat, conferas Soph. Elect. v. 873 sqq.

V. 1209 ὦ πρέσβυ, κομπεῖν δ' οὐχὶ βούλομαι δέ σε  
σᾶν ἴσθι, ἐάν περ καμὲ τις σῶζῃ θεῶν.

Ne de his quidem versibus quid a Sophocle scriptum sit adhuc constabat. Pro δέ σε, quod Dindorfio teste in Laur. A superscriptum est, etiam σὺ δέ libris exhibetur. Jam Jos. Scaliger, cui inter priores editores Heathius, Musgravius, Brunckius, inter recentiores Dindorfius et Wunderus assensi sunt, teste Valekenario (ad Eurip. Hipp. v. 304) σῶς ἴσθ' pro σῶν ἴσθι scribi jusserat. Reisigius, quem Hermannus secutus est, σέ δέ σῶν ἴσθ', Schneidewinus σὺ δέ σᾶν σ' ἴσθ' conjecit, Meinekius dubitanter proposuit σέ δέ σῶν οἶδ' ἐάν περ vel σὺ δέ σῶς ὦν κάτισθ', ἣν καμὲ τις σῶζῃ θεῶν. Bergkiius verba, de quibus agimus, ad antecedentia attrahens κομπεῖν δ' οὐχί, βούλομαι δέ σε σῶν, ἴσθ', ἐάν περ — conjecit. Quum δέ σε scriptura codicis Laur. A. sit, dubitari nequit, quin in verba σέ δέ prior horum versuum revera exierit, participium ὦν autem a Dindorfio demum illatum delendum sit. Sublato autem participio illo etiam lectio σῶς ἴσθ' sublata est. Nam certissimum est secundum syntacticas leges sermonis graeci σῶς ἴσθ' nisi ὦν addito retineri non posse. Deinde scriptura σέ δέ σῶν ἴσθ' plane ingenio linguae graecae repugnat, quod bene a Meinekio demonstratum est. Habemus igitur optionem, utrum σέ δέ an σῶν ἴσθ' mutemus. De sententia vero huius loci vix dubitari poterit. Theseus promissa jam antea edita repetere nolens Oedipum a se servatum iri affirmat, si ipse quidem a Diis servetur. Jam quum accusativus σέ ad verbum transitivum pertinere videatur, tale verbum sit insequens σῶζῃ, particula καὶ ante ἐμὲ posita indicetur σέ eodem fortasse verbo rectum fuisse, antecedenti βούλομαι verbum ejusdem personae optime respondeat, retento quidem ἴσθ' omnes, quae omnino excogitari poterant, conjecturae propositae sint, nulla vero earum ex omni parte satisfaciat: verba σῶν ἴσθ' depravata et pro his ea, quae literarum similitudine proxime ad illa accedunt, σῶσω γ' scribenda esse censeo. Saepissime autem et quidem cum vi aliqua affirmationis Sophocles particulam γε ad futura addidit, velut h. f. v. 79, Phil. v. 660, Oed. Reg. v. 345. Ut hic de se ipse Theseus σῶσω dicit, ita Antigoniae lieuit v. 1117 Theseum ὁ σῶσας appellare. Scribo igitur hunc locum sic: σέ δέ σῶσω γ', ἐάν περ καμὲ τις σῶζῃ θεῶν. Non puto quemquam amplius de scriptura huius loci dubitare posse.

V. 1249 καὶ μὴν ὅδ' ἤμιν, ὡς εἶπεν, ὁ ξένος  
ἄνδρῶν γε μούνης, ὃ πάτερ, δι' ὄμματος  
ἄστακτι λείβων δάκρυον ὃδ' ὁδοιπορεῖ.

Facilius esse totos versus damnare, quam sanare huius loci exemplo ostendi potest. Non possumus non quam vehementissime dolere, quod huius aetatis critici, si hebetiore oculorum suorum acie impediti nullam aut emendandi aut interpretandi viam jam vident reliquam, statim ad damnandum parati sunt. Hos viros plus nocere literis, quam prodesse mihi est persuasissimum. Annotat ad verba ἄνδρῶν γε μούνης, nam his inest difficultas, Meinekius: *recte hoc dicendi genus suspectant viri docti. Totum versum damnant Dindorfius et Nauckius.* Dixit vero Dindorfius: *genitivus ἄνδρῶν ab μούνης, quod pro μονωθεὶς dictum sit, pendere creditur. Quod Graecis lectoribus non facile erat in mentem venturum. Mihi totum hoc ἄνδρῶν γε μούνης interpolatore versum defectum explente dignius videtur, quam Sophocle.* Cautius Nauckius: *Die Worte ὡς*



ἔοικεν — μοῦνος sind entweder schwer verderbt, oder, was mir wahrscheinlicher ist, interpolirt. Hartungus, quamquam et ipse ἀνδρῶν μοῦνος dici non posse intellexerat, tamen totum versum statim expellere noluit conjectura adhuc auxilium parari posse ratus. At quis iis, quae vir ille doctissimus proposuit, μόνος δὲ ἀνδρῶν vel ἀνδρῶν δίχα μόνος justissima dubitatione non interposita possit adstipulari? — Quod si respicimus saepissime, ubi adventus alicuius in tragoediis nuntiatur, advenientem dici ἄσσον στείχειν, velut h. f. v. 312, vel ἄσσον ἵεναι, ut Antig. v. 1215, vel ἄσσον ἔρπειν, ut Elect. v. 900 et Antig. v. 1210, huius vero fabulae v. 723 simillimo modo haec legi: ἄσσον ἔρχεται Κρέων ὃδ' ἡμῖν οὐκ ἄνευ πομπῶν, πάτερ, non dubitabimus, quin pro ἀνδρῶν scribendum sit ἄσσον. Facillime autem ἀνδρῶν et ἄσσον, verba inter se simillima, commutari potuisse nemo negabit; particulam γε autem cum μοῦνος jungendam esse satis liquet. Conf. de collocatione huius particulae Ellendt. lex. Soph. Tom. I, p. 348 sq. Quis jam vera lectione inventa temeritatis tria simul verba vel totum versum damnantis reus esse velit?

V. 1265 καὶ μαρτυρῶ χάριστος ἀνθρώπων τροφαῖς

ταῖς σαῖσιν ἢ κριν τᾶλλα μὴ ᾽ξ ἄλλων πύθῃ.

In editionibus antiquioribus, ut Aldina, loco verbi πύθῃ exstat πάθῃ. Totum hunc locum turpissimo modo depravatum esse quis negaverit? Primum enim quid sibi volunt, ut ab extremis ordiamur, verba τᾶλλα μὴ ᾽ξ ἄλλων πύθῃ? Nonne Oedipum alias post alias res cognoscere vetant? Quamnam inter hanc sententiam et antecedentia verba statuamus esse cohaerentiam? Deinde nunquam dativus τροφαῖς ταῖς σαῖσιν ita cum χάριστος potuit jungi, ut eum, qui ob alimenta patri non praestita pessime egerit, notaret. Nihil enim χάριστος τροφαῖς ταῖς σαῖσιν significare potest nisi Polynicem propterea, quod vel ipse ab Oedipo nutritus sit vel ipsum Oedipum nutritum omnium pravissimum esse, quod utrumque ineptum esse a quovis intelligitur. Putare possis, quum Oedipus filias v. 1367 αἰδ' ἐμαὶ τροφοὶ et v. 1365 τάςδε μὴ ᾽μαντῶ τροφούς dicat, pro τροφαῖς scribendum esse τροφοῖς. Quod si fieret, dativo illo significaretur Polynicem ex sororum iudicio pessimum ad Oedipum venisse. At non solum ex sororum iudicio, quippe quae fratris patrociniū adversus patrem fortissime suscepissent, sed vel maxime ex ipsius patris iudicio pessimus erat hominum. Quare nihil inde lucraremur, si τροφοῖς pro τροφαῖς legere vellemus. Haec verba igitur prorsus corrupta esse nemo infitias ibit. Quum constructio verborum ἄλλα ἔξ ἄλλων plane legitima sit frequentissimoque usu firmata, nullam habebimus causam, cur in ea haesitemus. Ut Sophoclis hic ἄλλα ἔξ ἄλλων dixit, sic in Trach. v. 28 ἐκ φόβου φόβον. Periculosissimum igitur est Musgravii conjecturam τᾶμ' pro τᾶλλ', ab omnibus fere interpretibus collaudatam, in textum recipere. Sententia, quae illa conjectura efficitur, mihi ab hoc quidem loco prorsus aliena esse videtur. Nam quid hoc esset: *me hominem pessimum esse ultro ipse testor, ne quae ad me pertinent, ex aliis audias?* Istam sententiam viris doctis umquam placere potuisse, vehementissime miror. Quae quum ita sint, etiam Spengelius mihi improbandus est, qui l. l. p. 447 sq. codicum scripturam verissimam esse ratus in dativo τροφαῖς cum χάριστος juncto non offendens hanc extorsit sententiam: *damit du nicht das eine nach dem anderen (ἄλλα μετ' ἄλλα) erfährst, will ich dir das Ganze auf einmal und kurz mit einem einzigen Worte sagen, dass ich χάριστος ἀνθρώπων bin.* Plane obstupefactus sum, quod vir ille inter paucos sobrii iudicii huiusmodi interpretationem illorum versuum omnino admitti posse sibi persuaserat. Quibus praemissis, ut jam, quae nostra sit sententia, in medio proponamus, illud mihi firmissimum videtur in verbis ἄλλα ἔξ ἄλλων nihil debere mutari. Necessario vero substantivum ad ἄλλα requirimus, quod altera lectione πάθῃ. solo iota subscripto demto in pluralem nominis πάθος immutata, jam



praesto erit. Deinde consentaneum est cum verbis *κάκιστος ἀνθρώπων* participium olim junctum fuisse, velut *γεγώς*, quod exstat h. f. v. 364 *χρόνη μείων γεγώς* et v. 1132 *ἄθλιος γεγώς*. Quod participium quum in *τροφαῖς* latere veri sit simillimum, non errabimus pro illo legentes *τραφεῖς*, quod Ellendt. l. l. Tom. II, p. 853, 4 commode *γεγονώς* explicandum esse dicit. Tum *ἤκειν* ex omni parte sanum videtur ut verbum saepissime ad vocabula calamitatem notantia additum, de quo usu conf. Aesch. Prom. v. 102 sq. *οὐδέ μοι ποταίνιον πῆμ' οὐδὲν ἥξει*. Ut hoc Aeschyli loco ad *ἤκειν* additus est dativus *μοί*, sic putandum est olim etiam in hoc loco cum illo verbo dativum conjunctum fuisse. Hunc dativum mihi in *ταῖς σαῖσιν*, quod facili mutatione in *τοῖς σοῖσιν* emendandum est, invenisse videor. Verbis *τοῖς σοῖσιν* Polynices cum sorores omnemque Oedipi familiam, tum vel maxime se ipsum intelligit. Usurpavit vero Sophocles hoc pronomen eodem sensu non solum Oed. Reg. v. 415 *καὶ λέληθας ἐχθρὸς ὢν τοῖς σοῖσιν*, sed etiam v. 1448, quem compares. Quae omnia si vera sunt, necessario verba *μὴ ᾔξ* mutanda nobis erunt in *γ' ἔξ*. Habebimus igitur jam hos versus:

*καὶ μαρτυρῶ κάκιστος ἀνθρώπων τραφεῖς  
τοῖς σοῖσιν ἤκειν ἄλλα γ' ἔξ ἄλλων πάθῃ.*

i. e. *atque equidem testis sum, qui pessimus hominum exstiterim, tuis alia post alia evenisse mala*. Locutus autem erat primum de patris calamitatibus, nunc de ipsius adversa fortuna dicturus est. Ad hanc transitum sibi parat versibus supra a nobis restitutis, sententia orationem suam fulciens, quam v. 1398 sq. ita exprimit: *ὢν ἐγὼ μάλιστα μὲν τὴν σὴν Ἐρινὸν αἰτίαν εἶναι λέγω*. Conferas etiam versum 1335 sqq. Repetit igitur filius, ipsius culpam minime agnoscens, omnia mala sua a patris fatis vel, ut ipse dicit, Furiis. Accedit haec Polynicis sententia proxime ad ea, quae chorus in Antig. vv. 593—597 in hunc modum exposuit: *ἀρχαῖα τὰ Λαβδακιδᾶν οἴκων ὀρῶμαι πῆματα φθιτῶν ἐπὶ πῆμασι πίπτοντ' οὐδ' ἀπαλλάσσει γενεὰν γένος, ἀλλ' ἐρεῖπει θεῶν τις οὐδ' ἔχει λύσιν*. Speraverat vero Polynices patrem ob communem liberorum fortunam, cuius ille ipse contraxisset culpam, facilius misericordia commotum iri.

V. 1333 *πρὸς νύν σε χορηῶν καὶ θεῶν ὁμογνίων  
αἰτῶ πιθέσθαι καὶ παρειαθεῖν.*

Hi versus minus prioribus interpretibus fuerunt suspecti, quam recentioribus, in substantivo *χορηῶν* et jure quidem offendentibus. Rectissime monet Nauckius propterea hoc loco fontes invocari non potuisse, quod neque verbis, quae antecedant, neque illis, quae sequantur, ulla Oedipi patriae inesset significatio. Ipse addiderim nulla ratione Deos gentilicios, qui hic et ipsi commemorantur, simul cum fontibus invocari potuisse. Si Sophocles illos fontes, qui, ut scholiastes interpretatur, Oedipum aluerant, in mente habuit, non dubitari potest, quin certe articulum vel pronomen possessivum additurus fuerit. At substantivum *χορηῶν* omni definitione hic est destitutum. Nihilominus Meinekius *χορηῶν* defendere conatus est, quod *ὁμογνίων* simul ad *χορηῶν* referendum sit. At numquam adhuc quidquam de fontibus gentiliciis audiavi et Pindarici loci, cuius Meinekius mentionem fecit, prorsus alia est ratio. Nam *σύγγονον ὕδωρ* ea est aqua, quae cum aliquo eandem habet originem vel eodem loco orta est i. e. ad quam quis natus est et adolevit. Solet autem hominibus fontium, quibus alicubi per longius tempus usi sunt, memoria antiqua esse. Quare ii, qui e regione quadam, imo, qui morientes vita decessuri sunt, etiam fontibus, ut Philoctetes, Ajax, apud Schillerum Virago Aurelianensis valedicunt. At quae ratio hic inter Oedipum et fontes nescio quos intercedere putanda sit? Sunt illi fontes Corinthi vel Thebis, ubi Oedipus ne adolevit quidem, vel illis locis quaerendi, ubi patria exsul extrema

hac vitae parte vagatus erat? Implorare autem solemus alios homines sive per eas res, quae illis vel carae vel metuendae sunt, sive per Deos et homines, quibus ipsi cari sunt. Quarum regionum fontes Oedipo caros fuisse putare liceat? Quibus ipse carus fuerit? Manifestum est mihi quae persuasissimum Sophoclem hoc loco neque *κηρῶν* scripsisse neque illa verba, quae a criticis sunt proposita nec ullo modo satisfaciunt. Quid Bergkii conjectura *πρὸς νῦν καρήνων* sibi velit, confiteor me omnino non posse intelligere. Idem mihi de invento Wieseleri, viri in conjiciendo et alias minime felicitis, *πρὸς νῦν σε κλήρων* dicendum est. Per Thebas vero Oedipum invocatum facere, ut Nauckius fecit conjiciens *πρὸς νῦν σε Θηβῶν*, sine dubio ob res supra a nobis expositas ineptum est. Prorsus nihil igitur interpretum studiis ac laboribus ad interpretandum vel emendandum hunc locum auxilii adhuc paratum est. — Haud insolitum erat Graecis *Κῆρας* invocare. Factum id est ab Hercule apud Eurip. Herc. fur. v. 870: *δεινὰ μυκᾶται δὲ Κῆρας ἀνακαλῶν τὰς Ταρτάρου*. Sunt autem *Κῆρες* eae Deae, quarum in potestate sunt ortus, vita, mors, fata hominum. Has cum Diis gentiliciis Polynices, ubi Oedipum in voluntatem suam perducturus erat, optimo jure poterat componere. Nam ut Dii gentilicii totius gentis, ita *Κῆρες* singulorum hominum sunt patronae. Ab his Diis repetenda sunt omnia ea mala, quae Oedipo cum suis patienda et erant et sunt. Quae quum ita sint, pro *κηρῶν* putaverim *Κηρῶν* legendum esse. Quantopere vero Polynices amet illa numina appellare, quorum invidiae atque odio cum Oedipi fati etiam sua deberi putat, versibus 1299, 1370, 1434 satis ostenditur. Afferam hic postremum tantum: *ἀλλ' ἐμοὶ μὲν ἤδ' ὁδὸς ἔσται μέλουσα δῦσποτος τε καὶ κακῇ πρὸς τοῖδε πατρὸς τῶν τε τοῦδ' Ἑρινύων*. Ceterum conf. v. 1326, cuius verba *παίδων τῶνδε* eodem modo respondent *Θεῶν ὁμογνίων*, quo *ψυχῆς* respondet *Κηρῶν*.

V. 1370 *τοιγάρ σ' ὁ δαίμων εἰσορᾷ μὲν οὐ τί πω  
ὥς αὐτίκ', εἴπερ οἶδε κινεῦνται λόχοι  
πρὸς ἄστυ Θήβης.*

Meinekios libere ad hunc locum profitetur: *haec nondum inventus est qui vel emendaret vel probabiliter explicaret. Dobraeus tentabat σε δαίμων — ὅς αὐτίκ', quem nemo sequitur. Intelligerem si scriptum esset οὐ τί πω, ἀλλ' αὐτίκ'.* De interpretatione verbi *εἰσορᾷ* dubitari nequit, quippe quod recte ab interpretibus explicatum sit. Sola verba *οὐ τί πω* difficultatem movent. Haec eo modo, quo Schaefero et Hermanno praeceuntibus Wunderus fecit, cuius notam Dindorfius dignam habuit quam in editionem suam reciperet, explicari non posse certissimum est. Raro autem existimo conjecturam aliquam tanta fiducia in medio proponi posse, quanta eam proferre licet, qua huic desperato loco succurremus. Velut infra v. 1395 Oedipus non *ἐγὼ*, sed cum emphasi *Οἰδίπους*, sic hoc loco non *ἐμοῦ*, sed *Οἰδίπου* dixit. Consilio vero Oedipus coram filio, quem detestatur neque filium agnoscit, ipsius nomine utitur, quod sperare videtur illud ut daemonem degeneri filio metum incutiens ob oculos versaturum esse. Simul nomen suum adhibens filium ex omnibus partibus considerare jubet, quis sibi ille Oedipus sit. Substantivo autem *δαίμων* Oedipus non solum ad illam Polynices sententiam respicit, quam jam supra exposuimus, sed etiam ad diras illas, de quibus v. 1375 sq. dicit: *τοιιάσδ' ἄρ' αὖ σφῶν πρόσθε τ' ἐξανῆκ' ἐγὼ νῦν τ' ἀνακαλοῦμαι ξυμμάχους ἐλθεῖν ἐμοί*. Germanice hunc locum restitutum vertere licet: *desshalb wird fürwahr der Rachegeist des Oedipus sofort strafend auf dich niederblicken, wenn anders diese Heere sich gegen Thebens Stadt bewegen*. Persona autem loquens ipsius nomen pro pronomine personali usurpat etiam vv. 3. 109. 626 h. f. *Ἀjac*. 98. Aesch. Prom. 296.



V. 1380 *τοιγὰρ τὸ σὸν θάκημα καὶ τοὺς σοὺς θρόνους  
κρατοῦσιν.*

In hoc versu potiendi verbo *κρατεῖν*, quod plerumque genitivum flagitat, hic vero cum accusativo est junctum, non esse locum multi fuerunt, qui intelligerent. Nemo tamen, quomodo verbum illud emendandum esset, invenit. Nam neque quod Hartungus proposuit *κρανοῦσιν* neque quod Nauckius voluit *κρινοῦσιν* verba sunt, quae de Diris possunt usurpari. At manifestum est Sophoclem *πατοῦσιν* scripsisse. Hoc verbo Sophocles etiam Ajac. v. 1335, Antig. v. 745 usus est. Idem significat *λακτίζειν*.

V. 1405 *ὦ τοῦδ' ὄμαιμοι παῖδες, ἀλλ' ὑμεῖς, ἐπεὶ  
τὰ σκληρὰ πατρὸς κλύετε τοῦδ' ἄρωμένον,  
μή τοί με πρὸς θεῶν σφῶ γ', ἐὰν αἱ τοῦδ' ἀραι  
πατρὸς τελῶνται.*

Jure dubitari potest, num Sophocles in tribus deinceps versibus idem pronomē *τοῦδ'* ter atque, ut videtur, diversas significans personas posuerit. Nam apparet v. 1405 pronomine *τοῦδ'* Polynicem se ipsum intellexisse. Porro non est credibile Oedipi diras solo hoc adjectivo *τὰ σκληρὰ* significari potuisse. Desideratur enim pronomē demonstrativum, quum pro *τὰ σκληρὰ* dicendum *esset ταῦτα τὰ σκληρὰ*. Quare existimaverim in v. 1406 pro *τοῦδ'* scribi oportere *ταῦτ'*. Jam licet Polynici de patre secundo loco *τοῦδε πατρὸς* dicere.

V. 1410 *ἀλλ' ἐν τάφοισι θέσθαι καὶ κτερίσμασιν.*

Nemo umquam exemplis probavit *θέσθαι ἐν κτερίσμασι* Graecos dicere solitos esse. Imo neque dixerunt, neque dicere potuerunt. Quare putaverim *σὺν* pro *καὶ* scribendum esse. Prae-positione *σὺν* adhibita jubet Polynices sorores in sepultura etiam solemnia dona sibi offerre.

V. 1435 *σφῶν δ' εὐοδοίῃ Ζεὺς τὰδ' εἰ τελεῖται μοι  
θανόντ' ἐποῦμοι ζῶντι γ' αὔθις ἔξετον.*

Interpretes non injuria in his versibus haesitaverunt. Ii vero reprehensione videntur digni, qui de sanando hoc loco justo citius desperati alterum versum totum tollendum esse censuerunt. De elisione vocalis *ι* recte Elmslejus et Hermannus disputaverunt, nihilominus recentiores editores ut Hartungus et Meinekius *θανόντι* ad *μοί* antecedentis versus attraxerunt. Burgesius pro *εὐοδοίῃ* intulit *εὐ διδοίῃ*, quod omnes post illum interpretes facilitate huius mutationis commoti receperunt. Equidem arbitror alterum quidem versum tollendum non esse, sed complura verba utriusque versus immutari debere. Retineo autem scripturam librorum *εὐοδοίῃ*, ob quam mihi cum nonnullis viris doctis *σφῶν* in *σφῶ* mutandum est. Deinde patet etiam hoc loco Sophoclem tragediam suam Antigonom multis annis ante Oedipum Coloneum compositam in mente habuisse. Sophocles Polynicem, quasi hic divinasset sororibus olim fratris corpus sepultum egressis mala posse accidere, optantem facit, ut Jupiter sorores in itinere illo ita bene ducat, ut eos, quos supra rogavit, honores salvae possint sibi praestare. Ut haec Sophoclem dicentem faciamus, nihil est opus nisi *τάδ' εἰ τελεῖται μοι* mutare in *τάδ' εὐ τελεῖν ἐμοί*. Sequenti versu Polynices exponit, cur hoc quidem optaverit. Animo enim praesentit mortuum se neque vero vivum in sororum manus olim reditum esse. Haec vero cogitatio eum subit, quum sorores valedicens amplexu tenet, quod inde intelligitur, quod statim pergit *μέθεςθαι δ' ἤδη χαίρετόν τ'*. Quae quum ita sint, amplectentis Polynicis ratione habita versum 1436 ita restituendum esse censeo: *θανόντ' ἐπεὶ μ', οὐ ζῶντά γ' αὔθις ἔξετον. Ἐπεὶ μ' οὐ* autem legere codic. Laur. A. scriptura *ἐποῦμοι* jubemur. Quod vero Polynices postea vehementissime animo commotus exclamat *οὐ γάρ μ' ἔτι βλέποντι ἐσώψεσθ' αὔθις*

quasi ante dicta iterum repetens, in eo hoc quidem loco offendere nequeo. Ceterum omittere nolo Philol. vol. XV, p. 114 ab Engero conjecturas Martini φίλ' εἰ τελεῖτέ μοι θανόντι· καὶ γὰρ ζῶντι· γ' οὐκέθ' ἔξετον et Hertelii σφῶ δ' εὐδοίῃ Ζεὺς ταφὴν τελεῖν ἐμοί in medio propositas esse. Quid vero de ipso Engero statuam ambos hos versus expellente non opus est dicere.

V. 1443

ταῦτα δ' ἐν τῷ δαίμονι

καὶ τῇδε φῦναι χᾶτέρα.

Recte requisivit Nauckius pro φῦναι verbum 'activae potestatis. ' Meinekius quoque ei assentiri videtur. Ille vero κῶναι, hic φῆναι scribere voluit. Propter antecedentem syllabam δε magis videtur commendari δοῦναι, verbum huic loco accommodatissimum.

V. 1488 τί δ' ἂν θέλοις τὸ πιστὸν ἐμφῦναι φρενί;

Ab editoribus duae huius versus interpretationes sunt propositae. Alteri scholiastae adstipulati ab Antigona sive choro Oedipum arcanum illud rogari, quod hic cum Theseo communicaturus sit, alteri a choro sive Antigona causam ex illo quaeri statuunt, cur Theseo adveniente mentis compos esse velit. Ab hac sententia steterunt et Musgravius, qui perperam τὸ πιστὸν in τὸ πινυτὸν mutavit, et Jacobsius, qui bene τὸ πιστὸν explicavit τὸ ὁρθὸν τῆς φρενὸς, *inconcussum mentis statum, cui quis confidere possit*. Qui contrariam defenderunt interpretationem, in ἐμφῦναι offenderunt multasque huius verbi emendationes frustra tentaverunt, Hermannus ἐμφῦσαι retento φρενί, Nauckius ἐμφῆναι addubitato φρενί, Meinekius ἐμφῆναι λόγῳ vel ἐμφῦσαι λόγῳ scribentes. Ut quid ipse sentiam, statim in medium proferam, fateor utriusque partis criticos veri aliquid vidisse. Jacobsium laudo, quod sententiam huius loci unus omnium rectissime explicavit, illos non vitupero, qui codicum lectionem ἐμφῦναι impugnaverunt. Quaero vero ex omnibus, qui his studiis dant operam, num quis umquam ex verbis Oedipi v. 1486 sq. concludere potuerit illum arcanum aliquod Theseo commisurum fuisse, quum propter multas alias res Thesei adventum posset exoptare. Et si re vera, pergo, Antigona vel chorus scivisset Oedipum cum Theseo arcanum communicare velle, num ideo putandum est illos tam importunos futuros fuisse, ut arcanum, dico arcanum, certo ipsis non destinatum, ex Oedipo quaererent. Quae quum ita sint, φρενί mihi salvum, ἐμφῦναι autem in ἐμμεῖναι mutandum videtur, quod quam saepe a librariis falso sit lectum in obs. crit. ad Soph. Oed. Reg. v. 1225, p. 12 exposui.

V. 1489 ἂνθ' ὧν ἔπασχον εὖ, τελεσφόρον χάριν

δοῦναι σφιν, ἦνπερ τυγχάνων ὑπεσχόμεν.

Nauckius rectissime τυγχάνων interpolatum esse censuit. Frustra contra alii interpretes in hoc verbo defendendo multam operam consumserunt. Quam falsum sit quod nunc legitur, optime, ut ubique, cognosci poterit vera lectione restituta. Haec autem sine dubio respecto v. 582 h. f. ὅταν θάνω ἐγὼ καὶ σύ μου ταφεὺς γένη est ἂν θανών.

V. 1533 χούτως ἀδῆλον τήνδ' ἐνοικῆσεις πόλιν

σπαρτιῶν ἀπ' ἀνδρῶν.

Duo exstiterunt viri, qui in his versibus offenderent, Schaeferus, qui σπαρτιῶν ὑπ' ἀνδρῶν scribendum esse putaret, et Blaydesius, qui pro τήνδ' ἐνοικῆσεις vellet τήνδ' ἂν οἰκῆσαις. Neutri equidem possum assentiri. Verissime autem de Blaydesii conjectura Meinekius ad Electr. v. 798 monuit. Nihilominus et ipse haereo in verbo ἐνοικῆσεις cum praepositione ἀπὸ inconcinno modo conjuncto. Accedit quod verbum ἐνοικεῖν quantum sciam nullo alio loco apud Sophoclem legitur aliusque verbi videtur explicatio esse. Postulamus autem verbum, cui tuendi et defendendi inest notio. Tale facillima mutatione parabimus verba ΘΗΝΑΕΝΟΙΚΗΣΕΙΣ in haec quatuor di-



rimentes τήνδε γ' εὔ σχήσεις. Dixit vero ipse Theseus v. 1764 sq. καὶ ταῦτά μ' ἔφη πράσσοντα καλῶς χώραν ἔξειν αἰὲν ἄλυτον. Cum lectione a nobis restituta optime congruit praepositio ἀπό. Vertere autem licet germanice hunc locum: *und so wirst du leicht (εὔ) deine Stadt vor den der Drachensaat entsprossenen Männern unzerstört erhalten.* Novum jam hinc nacti sumus exemplum depravati adverbii εὔ.

V. 1632 δός μοι χερὸς σῆς πίστιν ἀρχαίαν τέχνους  
ὑμεῖς τε, παῖδες, τῶδε.

Hermannus πίστιν ἀρχαίαν explicat, quae firma maneat, olim antiqua futura. At quis umquam hoc adjectivum sic possit reddere? Fides Thesei aut tum, quum Oedipus loqueretur, ἀρχαία jam erat aut numquam. Num re vera Oedipus de antiqua fide Thesei, quum eam nuperrime demum expertus esset, omnino dicere poterat? Hoc Nauckius videtur intellexisse, qui ἀρχαίαν corruptum esse pro certissimo habet. Mirandum igitur est, quod Meinekius rursus istius adjectivi suscepit patrocinium, lectores ad ed. suae Callimach. p. 136 relegans, quam mihi non licuit inspicere. At hoc quoque loco corruptela luce restitutae lectionis adfulgente facillime cognoscitur. Facili enim errore ἀρχαίαν ortum est ex ἰσχυράν, quo aptius epitheton ad πίστιν neminem umquam inventurum esse mihi quidem est certissimum.

---





